

علَّـوا اشـمـوعه
حنته ادموعه
آه يجاسم

عـرّيس عـرّيس
يا حيف يا حيف
آه يجاسم

وحايره بأمره وبساعة زفاهه
ساعه مملي بحزن ساعه مخافه
وهذا صيواني بالهم اعتكافه
ومدري هذا الوجع آخر مطافه؟

رمله وسط الخيم محزوننه يمه
تنادي كآبي شعبته وزاد هممه
حايره والله يا جاسم يا يمه
والله مرعوبه في وگت الملمه

دهري ما خذني
هلوضع بيني
آه يجاسم

ياريت ياريت
وما اشوف ما اشوف
آه يجاسم

تنتظر في العمر زفة ولدها
لنّ حب الولد أغلى اللي عدها
وخايفه يختفي كوكب سعدها
وهذا زيّد من الحُرگه وجدها

تدري بيني بشعور الأم يجاسم
والكلب بالفرح مسرور وهام
وخايفه تصبح الفرحة مواتم
وشافته للحرب والموت عازم

نيتك ترحل
بعـدك اتحمـل
آه يجاسم

للموت للموت
وشلون وشلون
آه يجاسم

والدمع يا وسف بالوجنه ساري
ونادته يا سنا ليلى ونهاري
ما هو بيدي ولا هو باختياري
أمر ربي وأمره بينا جاري

ضمته بحرگه وبلوعه لصدرها
الله ياهو كلب يحمل صبرها
هاخبر تدري امك ما يسرها
لكن الدنيا من يحكم قدرها

وانظرك دامي
تظلم أيامي
آه يجاسم

ساعات ساعات
وبحزان بحزان
آه يجاسم

هالدهر جاير بحكمه عليه
واللي جاري وسف ما هو بيدينه
وسلمى لله الأمر يمي الحزينه
واحنا بصروفه يا يمه اندهينه

نادى يا يمه يا فخر الاطايب
واحنا في هالأرض نلگى المصايب
صبري يا روحى بهاي النوايب
هالزمن كله أهوال وعجايب

ظلمه وجوره
باننت اشروره
آه يجاسم

معروف معروف
وهاليوم هاليوم
آه يجاسم

من ينادى ولا يلگى له انصار
من يعود الخيم محزون ومحتار
هذا الجمر العطش وسط الحشا نار
والغضب يستعر للحرب والثار

صوت ابو سكينه يا يمه فجعني
و شوفته بلا عضيد تهد ركني
وكل طفل يصرخ ادركني ادركني
بس اشوفه يهل الدمع مني

ماتنت انصاره
تاهت افكاره
آه يجاسم

مفروود مفروود
مهموم مهموم
آه يجاسم

كسر گلبي كلامك عن عذابه
اگصد الحومه وشد العصابه
واسي الوالي يا روحى بمصابه
لا تصيبك مخافه أو مهابه

نادته والدمع يجري من العين
لا تگصّر يروحي بنصرة حسين
وفي الدّين يجاسم وفي الدّين
شد على الحومة لا تهدأ ولا تلين

طباغي وجنده
شيله من غمده
آه يجاسم

لا تهاب لاتهاب
وهالسيف هالسيف
آه يجاسم